

溫補下元則小便何能獨利且夫人之胃如釜
既然釜底火旺則熱氣薰蒸既炊易熟若徒有
水而無火則無氣上升物何由熟即此可以例
觀矣故治脹滿者先宜溫補下元使火氣盛而
濕氣蒸發胃中溫煖穀食易化則滿可寬矣夫
清氣既升則濁氣自降濁氣降則為小便也小
便利脹有不消乎語謂地氣上為雲天氣下為
雨惟此氣流行斯為雲為雨也今之醫者一遇
此疾則曰內經有言諸濕腫滿皆屬脾土土虛

則濕停濕停則滲透肌膚遍身腫滿不可不通
利也輟用利小便及補中之劑如五苓散胃苓
湯加木通車前子木腹皮滑石之類法未為爽
謬乎然顧服之愈多而小便愈少腫脹愈急何
故哉不溫補下元而徒以通利之藥施之也果
若此豈惟不效則下元益虛真氣益弱死期且
至安望其有瘳乎余嘗究心靈素參會易理憬
然有得于中且施之病者隨試輟效故筆之于
冊以公我之同志補壯原湯于後

○治氣脹之劑

平肝飲子 專治喜怒不節肝氣不平邪乘脾胃
心腹脹滿頭暈嘔逆脉來浮弦
防風 桂心 枳殼 赤芍 桔梗炒 兩 人參
甘艸炙 檳榔 當歸酒洗 川芎 陳皮銹 五
每服五六錢姜五片水煎服

紫蘇飲子 治憂思過度致傷脾胃心腹膨脹喘
促煩悶腸鳴氣走漉漉有聲大小便不利脉虛
緊而澁 方在痞門

調中順氣丸 治怒氣傷肝三焦痞滯水飲停積
脇下虛滿或時刺痛

木香 白豆仁 青皮 橘紅 三稜炮 各
半夏泡 大腹子各 砂仁 檳榔 沉香各 五
糊丸 梧子大每服三五十九陳皮湯下
木香順氣湯 治濁氣在上則生膜脹及七情
陳皮 厚朴各 四 川歸分 草豆蔻煨 木香
蒼朮米泔洗 青皮 益智仁 白茯苓 澤瀉
半夏泡 乾生姜 吳茱萸 升麻 柴胡各 二

加姜水煎服

直指橘皮湯 治七情所傷中脘不快腹脇脹滿

香附米 半夏 橘紅 酪二甘草 牡錢

每服一兩姜五片棗二枚水煎服

四製枳殼丸 治腹脹鼓疾

陳枳殼同炒 穰四兩 分四製 一兩用蒼朮 一兩用

茴香一兩 同炒一兩 乾漆一兩 同炒一兩 用炒 枳殼黃色 為度

去同炒藥只用枳壳為末却將蒼朮等四味

煎湯去渣打麵糊為丸梧子大每服五十九

烏藥順氣散 脹滿痞塞七情憂思所致此方如神

天台烏藥 香附 沉香 砂仁 橘紅

半夏 為末每服二錢灯心湯調

寬中八寶散 治全前方

木香 歸尾 蘿蔔子 真蘘子 檳榔

砂仁 錢半 沉香 牙皂 錢一

共為末每服一錢或二錢黃酒調下

小水不利并水腫加苦葶藶子末一錢五分

螻蛄後段炙末一錢入前方內

○治寒脹之劑

大正氣湯

治脾胃虛寒外為風寒濕氣擾動心

腹脹滿 藿香 厚朴 陳皮 半夏 白朮

錢各二 檳榔 桂枝 枳殼 乾姜 炮各一分 甘草

炙五分 佐二帖 姜三片 水煎服

大半夏湯

治肝氣太盛剋勝于脾 鬱不行結

聚涎沫 胃中脹滿 其脉弦遲

半夏 桂心 附子 炮 人參 甘草 炙 厚朴

川歸 茯苓 枳實 各二 川椒 炒去汗 用開口 無目者八百粒

每服四五錢 姜棗煎服

沉香降氣湯

治中脘脹滿時吐 脇疼每噫則竟

氣快不噫則悶 漸竟面浮 磨檳榔入紫蘇同煎

下神保丸 五七粒

香附 一兩 沉香 五分 砂仁 二錢 粉草 三錢

右為末 每服一錢 入鹽少許 沸湯服

神保丸

治諸寒積脹滿 急痛 大便不利

木香 胡椒 一錢 全蝎 七個 巴豆 皮十粒 研去

右為末 餅餅丸 麻子大 硃砂為衣 每服五丸

腰脇疼痛茴香酒下餘陳皮湯下

順氣木香散 治氣不升降嘔逆惡心胸脇痞悶
脇肋脹滿及酒食所傷噎食吞酸心脾疼大便
不調及嬾人血氣刺痛一切冷氣服此寬中利
氣和胃進食

丁皮 砂仁 良姜 桂心 乾姜 炮甘草 炙

橘紅 厚朴 蒼朮 桔梗 茴香炒 酪三

每服五七錢加姜棗水煎服

萹澄茄丸 治痞滿脹痛穀脹氣脹通用

萹澄茄 白豆蔻 砂仁 青皮 蘿蔔子

木香 絡二肉 豆蔻 茴香炒 丁香 桂各 酪一

陳皮分三 右為末 麵糊丸 梧子大每服三十九

導氣丸 治諸痞塞腹脹如鼓大便秘結等症又

腎氣小腸氣疼功效尤捷

青皮炒 蝱等分 同 莪木炒 蝱等分 同 檳榔同 炒

去黑 胡枳去 茴香同 炒 三稜乾 漆炒 吳茱萸同 炒

去黑 赤芍藥去 川椒同 炒 石菖蒲桃 仁同 炒 乾姜

去黑 附子去 青鹽同 炒 右十味為末酒糊

為丸梧子大每服五十九加至七十九紫蘆湯

沉香飲 治腹脹氣喘坐卧不安

沉香 木香 枳殼錢五 蘿蔔子炒一

每服五錢姜三片水煎服

木香化滯湯 破滯氣心腹滿悶

甘草炙 白檀香 藿香 陳皮 桔梗 大腹

皮 茯苓 白苴仁絡二 砂仁 人參 青皮

檳榔 木香 姜黃 白朮絡四 水煎服

縮砂飲 治氣脹氣壅等病如神

蘿蔔子研汁 砂仁不拘多少以蘿蔔子汁浸透炒
炒為細末每服一錢米飲下

四炒丸 治年高人患鼓脹獨只腹脹肢體如柴

舉動乏力 木香 檳榔各一兩

二味劉如芡實大四製 同炒 用蘿蔔子 一兩

子不用 分用 茴香 一兩炒 漆一兩 炒去 茴香一分 用莖
蘇一兩 炒去 木香一兩 檳榔為末 以四味同炒

藥煎湯打糊為丸菜豆大每服七八飲下 米

中滿分消湯 治中滿寒脹寒疝大小便不通陰

躁足不收四肢厥冷食入反出下虛中滿腹中
寒心痛下寒沉厥奔豚

益智仁 半夏 木香 茯苓 升麻 各七錢

川烏 人參 青皮 當歸 生姜 柴胡

乾姜 黃連 葶澄茄 各五錢 黃芪 吳茱萸

草豆蔻 厚朴 各五錢 右每服一兩水煎溫服大

忌房勞濕麵生冷 一方有麻黃澤瀉各二錢五分黃柏五分

錢氏塌氣丸

胡椒 一兩 蜀椒 半兩 為細末 麩糊丸 如粟米大

每服五七丸至一二十丸陳米飲下

木香塌氣丸 治單腹脹

丁香 胡椒 各二錢 蝎尾 半兩 枳實 兩 白牽牛 兩

郁李仁 四錢 木香 檳榔 各半 為末飯丸 菜

豆大每服十九至十五丸陳皮生姜湯任下

木香散 治單腹脹

木香 青皮 白朮 姜黃 草豆蔻 各半

阿魏 葶澄茄 各一

右末醋糊丸菜豆大每服二十九生薑湯下

又方 治鼓氣

大癩蝦蟆一隻新瓦二片相合鉄線纏定盛在丙外用鹽坭固濟慢火煨存性為末溫酒調服

○治熱脹之劑

中滿分消丸 治中滿鼓脹氣脹大熱脹水脹

人參 白朮 姜黃 黃芩 黃連 半夏泡

枳實麩炒各五錢 甘草炙猪苓各乙錢 茯苓 砂仁

乾生薑各二錢 厚朴姜製一兩 知母炒四錢 澤瀉 橘紅

各五錢 右研茯苓澤瀉生薑各為末餘共為末和

勻鉦餅為丸梧子大每服百丸白湯吞下

沉香交泰丸 治濁氣在上而擾清陽之氣鬱而不伸為臍脹

沉香 白朮 橘紅各三錢 茯苓

澤瀉 枳實去穢 吳茱萸湯洗 當歸酒浸 青皮去白

木香各一錢 大黃酒浸一兩 厚朴姜製五錢 湯浸鉦餅為

丸梧子大每服七八十丸白湯下微利即止

廣茂潰堅湯 治中滿腹脹內有積塊堅硬如石

令人坐卧不安大小便澀滯上氣喘促遍身腫

厚朴 黃芩 益智 草豆蔻 當歸各五錢 吳

茱萸 紅花酒洗升麻 廣茂銕各二甘草 紫胡

澤瀉 神曲炒陳皮 青皮銕各三黃連銕六半夏

鈿每服七錢姜三片水煎服 渴者加葛根銕

鷄屎醴飲 治鼓脹旦食暮不能食痞滿壅塞

雄鷄屎臘一月取兩 川芎一兩 二味各為極細末

和勻麵糊丸梧子大每服五十九丸温酒下

又方 加大黃一兩每服二錢姜湯下

推氣丸 治三焦痞塞氣不能降胸脇脹滿大便

秘小便赤 陳皮 檳榔 枳實 黃芩

大黃 黑丑生等分 為末蜜丸梧子大每服五

七十丸臨睡白湯下

大異香散 治穀脹失飢傷飽痞悶停酸早食暮

不能食 陳皮 青皮 京三稜 莪木 益

智仁 香附子 藿香 半夏曲 桔梗各五錢

枳殼五錢甘草分三 每服五六錢姜棗煎服

木香分氣丸 善治脾胃不和心腹脹滿兩脇膨

胸膈注滿痰嗽喘急刺心乾嘔咽喉不利飲

赤水玄珠

六卷

三

木香 檳榔 青皮 莪朮 煨 當歸 姜黃
白朮 枳殼 燒橘紅 肉果 乾生姜 玄胡
索 京三稜 煨 赤茯苓 秋冬加丁香
各等分為末 麴糊丸 小豆大 每服三五十九
生姜湯下 忌生冷 茄子 馬薤 莧

○補下元之劑

○壯原湯 治下焦虛寒中滿腫脹小水不利上氣
喘急陰囊兩腿皆腫或面有浮氣
人參 白朮 各二錢 茯苓 破故紙 各一錢 桂心

大附子 乾姜 砂仁 各五錢 陳皮 七分

水煎食遠服 有痰加半夏錢 喉中痰聲
加桑白皮錢 咳嗽亦加 脚跌面腫加薏苡
仁錢 中氣不轉運不知餓加厚朴木香
氣鬱不舒加沉香烏藥臨服磨入 氣虛甚
者人參加作五錢大附子加作一錢半 汗
多者再加桂枝五分白芍藥酒炒過八分
若夏月喘乏無力或汗多者加麥門冬一錢
五味子十一粒 夜夢不安者加遠志一錢

兩脇氣硬加白芥子八分若面浮腫脇下氣硬加白芥子紫蘆子五分若身重不能轉動加蒼朮一錢澤瀉七分濕盛加桑白皮赤小豆

○治血脹之劑

人參芍歸湯 治小便多大使黑痛悶喘惡各日
當歸 半夏三分 川芎一兩 莪朮煨 甘草炙 木香
砂仁 烏藥各五錢 人參 桂 五靈脂炒各一分
每服三五錢紫蘆葉四片 姜五片 棗一枚 水煎服

一方 治血鼓腹脹如盆

三稜煨 莪朮 乾漆炒烟 牛膝去芦 蜜虫糯米炒
琥珀 肉桂 礞石炒 水蛭炒赤 大黃各等分
為末用生地黄自然汁和米醋調勻為丸梧子大每服十九空心溫酒下童便下亦可
雞屎醴散 治旦食暮不能食血脹痞滿
大黃 桃仁去皮 乾雞屎醴等分

為末每服一錢生姜三片煎調食後臨睡服治積塊不消發為脹滿之劑

治五蠱脹丸 忌鹽四十日

官桂 歸尾 檳榔 橘紅 枳壳炒 莪朮炒
 三棱炒 大黃酒煮 青皮 黑丑君 白商陸君
 芫花君 大戟 甘遂去心 包煮 赤小豆 椒目
 木香 砂仁 乾漆炒烟 盡君 枳實炒 醋糊為丸
 梧子大并 初服三日 每服九十九丸 過三日 服八
 九十九丸 又過三日 服七十九丸 每用葱七根煎
 湯送下 空心服 以行四五次 為度 行後以溫
 粥補之 不行而吐者 亦妙 次用補法

補方

青皮 桔梗 莪朮 三棱 枳實
 枳壳 木香 砂仁 茯苓 檳榔 陳皮
 芍藥 細辛 歸尾 人參 香附等分 每服
 四五錢 水煎服 須要過四五十日後 方許食
 食鹽用藥法

鯽魚去腸 將五苓散末入魚腹中 焙乾 為末 白
 湯調服 方許食鹽 已上三方 乃一宗方 極
 峻利 非積固體厚者 未敢謾試 始錄此以
 溫白丸 治心腹積聚 心下堅結 大如杯碗 傍攻

兩脇心痛食不消化

桔梗 柴胡 菖蒲 紫苑 黃連 乾姜

桂皮 茯苓 川椒 吳茱萸 巴豆去皮心

炒人參 厚朴鎔五 川烏炮二兩 皂莢去皮子

右為末入巴霜和勻煉蜜為丸梧子大每服卅丸紫蘇湯下取積滯如魚腦爛綿而安

小檳榔丸 治脾虛腹脹不進飲食快氣寬中

蘿蔔子炒 檳榔煨 黑丑炒 木香鎔五

為末麵糊丸梧子大每服三四十九姜湯下

治蠱脹將愈內有痞塊用此消之

青皮 枳殼 三稜 莪朮 蒼朮 厚朴

桂皮 香附各 砂仁 草果 針砂 白芷各

錢烏藥 乾漆 乾姜各 歸尾半 檳榔兩

木香二錢 阿魏錢 一方有錄礬一斤 陳皮兩

為末棗肉丸梧子大每空心好酒吞下五十 九漸加至二錢

治脾虛之劑

強中湯 治啖生冷過飲寒漿有傷脾胃遂成腹

脹心下痞滿有妨飲食甚則腹痛

乾姜炮 白朮各二兩 青皮白朮 人參 丁香各三 草

果仁 附子皮臍去 厚朴姜製 甘草炙五錢

每服四五錢 姜棗煎服 嘔者加半夏

如食麪脹滿加蘿蔔子錢五

溫胃湯

治憂思鬱結脾肺氣凝大腸與胃氣不

平脹滿冲咳食不得下脉虛而緊瀉 附子炮

歸尾 厚朴 生人參 陳皮 白芍 甘草各

兩 乾姜錢二 川椒半錢 每服五六錢水煎服

草荳蔻湯 治腹中虛脹

澤瀉分一 木香分三 神曲分四 半夏 枳實 益智

草豆蔻 黃芪春不用 甘草各五 青皮 陳皮各六

分茯苓 當歸各十

生姜三片水煎服 冬再加黃芪分五

通氣生薑丸 治三焦虛脹

人參 茯苓 神曲炒 麥芽炒 官桂 歸尾

陳皮兩六 半夏洗一兩 生薑去六 厚朴切兩六

右為末以生薑汁煮麪糊為丸梧子大每服

三十九空心食前米飲下

○治脹而喘嗽之劑

定喘葶藶丸 治鼓脹喘嗽

葶藶 木香 貝母等分

為末，餗餅糊丸。梧子大，硃砂為衣。煎桑白皮湯下。或即以四味為末，仍以桑白皮湯下。

○附雜方

敷桑 治腹硬如石或陰囊腫大。先用熱水嚼甘草後以藥敷臍上。

海藻各等為末，醋調塗。或用白麵調藥敷臍上。

慰法 治腹脹如鼓，澁如木皮樣。

杜烏藥、荊芥、蒼朮、茵草、山茵陳、二

蚕沙、松毛、橘葉、椒目、烏頭、赤豆

樹葉各等分作二次炒熟，以布袋盛

熨之。冷又炒，熨三四十度，或復用煎水薰洗，或服神保丸，微溲泄其氣。

獨聖散 治脾胃不足，過食生冷，心腹痛脹。

鹽五合，以水一升煎化，頓服，自然吐即定。

食麵多，腹中飽脹，以熱酒和生姜汁飲一二盃，即消。

桂香丸

治大人小兒過食雜菓腹脹氣急

肉桂不覓火

射香一另研

為末飯丸菜豆大小

兒七九大人十五九白湯下二三服神效

西來方

治腹中積塊作脹作痛大小便不利

硼砂二錢

苦葶藶子

海金沙

乳香半一錢

沒藥

牙皂各錢半

檳榔

陳皮

木二錢半

木香錢

共為末每服五分滾水調下

○虫蠱

坐生子曰按鼓症內經靈樞水脹篇只有水與膚

腹鼓脹腸覃石瘕石水六者又脹論篇載五臟

六腑皆有脹狀甚者後代諸書論脹鮮有發明

予在吳下時有同志友吳生諱震號九宜者博

雅君子也每與予討論多善予一日偶談及鼓

脹乃詰予曰鼓有虫否乎予卒不敢應後思久

之對曰或有之當以疑辭對者蓋以目未見而

書無考也按許學士本事方云臍腹四肢悉腫

者為水但只腹脹而四肢不甚腫者為蠱註謂

蠱即鼓脹也由是參之古人曾以蠱鼓同名矣

且蠱以三虫為首豈無音哉愚謂鼓脹即今云
氣虛中滿是也以其外堅中空腹皮細急有似
于鼓故以鼓脹名也彼蠱症者中實有物積聚
已久濕熱生虫理或有之吳生曰子質何其敏
也予堂嫂病鼓三載腹大如箕時或脹痛四肢
瘦削三吳名劑歷嘗不瘳吳俗死者多用火焚
燒至腹忽响聲如炮人皆駭然乃見虫從腹中
炮出高二三丈許燒所之天為昏俄而墜地細
視之皆蛔也不下千萬數大者長尺餘虫腹中

復生小虫多者十五六條或十數條或五六條
虫在入腹中蕃息若此曷不令人脹哉區藥
劑豈易瘳哉顧蠱以多虫為首于義始見許之
以蠱名鼓者旨可徵矣惜乎諸書未有言及子
既為後人立言幸繹數方以俟後之治鼓疾者
知有此蠱字義也予聞之恍然如夢始覺然猶
未親見其異也歲萬曆癸巳赴督漕理刑具比
部之召而至淮陰有王鄉宦者其子年十六新
娶後腹脹大按之有塊形如稍瓜四肢瘦削發

熱晝夜不退已年矣族醫惟以退熱消脹之劑投之其脹愈大其熱愈熾甚且喉中兩耳俱瘡余診視之脉滑數望其唇則紅其腹則疼又多嗜肥甘余思諸凡腹疼者唇色淡不嗜飲食今若此得非虫乎投以阿魏積塊丸服之果下虫數十大者二一紅一黑長尺餘虫身紅線自首貫尾虫腹中有虫大者數條小者亦三四條虫下則熱漸減脹漸消三下而愈此余所親治者益信前聞之不虛也世之奇症書所未載者

大率類此胡可以未聞未見者而輕議之也余因紀其聞見贅其方于鼓症之末

○治虫蠱之劑

八毒赤丸 治男婦染著神鬼謂之鬼痒病服之

甚効治虫積蠱脹如神 雄黃 礞石 硃砂

礞石 牡丹皮 附子 炮 藜蘆 巴豆 酪 一 蜈蚣 條

右為末煉蜜丸如小葶大每服五七丸至十

丸冷水送下無時昔有副使許可道至雒州

請醫看脉乍大乍小乍短乍長氣血不均邪

氣傷正本官說去路至邯鄲驛中夜夢一婦人著青衣不見面用手于脇下打了一拳遂一點痛律來不正寒熱不食乃鬼驚也可服八毒赤丸本官言讀名醫錄中看李子豫八毒赤丸為殺鬼杖子遂與藥三粒臨卧服明旦下清水二斗立効製藥時宜志誠齋戒

紫金丹

治虫蠱并虫積

大黃 檳榔 略 蒼木 貫仲 牙皂 香附 略 三稜 雷丸 黑丑 略 二史君子 半 一 兩 白

蕪夷 苦練 根皮各 右為末每服三錢五更

時沙糖湯調服至天明下虫積不問黃腫鼓脹心痛一服即効 小兒減半看大小輕重

又方 治全

黑丑 五灵脂 好酒 煮 檳榔 各五 大黃 兩 阿魏 錢二

桃仁 去皮尖 研如泥 不拘 分兩 但可丸為率

右為末以桃仁膏為丸 梧子大每服二錢白湯送下

積塊丸

赤水

治癥瘕積聚癖塊一應難消難化腹中飽脹或
虫積疼痛皆能取效若神不傷元氣

京三稜

莪朮

自然銅

蛇含石

各燒

紅醋淬七次二錢

雄黃

蜈蚣

全用焙燥各錢二分

辰砂

分八

木香

鐵華粉

用糯米醋炒一錢

芦會

天竺黃

阿魏

全蝎

洗全用焙乾各四錢

沉香

冰片

分五

右為極細末用雄猪胆汁煉為丸黑狗胆汁
尤妙丸如梧桐子大或服七八分重者下錢
五更酒送下塊消即止不必盡劑

○痞氣門

內經曰太陰所至為積飲痞隔

痞者心下痞滿而不能食也

仲景云滿而不痛為痞滿而痛為結胸

劉河間曰痞與否同不通泰也謂精神營衛血氣

津液出入流行之紋理閉密而為痞也

東垣曰脾無積血不痞夫痞者心下滿而不痛是

也太陰者濕土也主壅塞乃土來心下為痞滿

也傷寒下太早亦為痞乃因寒傷其營者血

也。心主血，邪入于本，故為心下痞悶。仲景立瀉心湯數方，皆用黃連以瀉心下之土邪，其効如响。應稔故活人書云：審知是痞，先用桔梗枳殼湯，非以此專治痞也。蓋因先從錯下，必成痞症，是邪氣將陷而欲過胸中，故先用截散其邪氣，使不致于痞。先之一字，早用之義也。若已成痞而用之，則失之晚矣。不惟不能消痞，而反損胸中之正氣，則當以仲景痞藥治之。經云：察其邪氣所在而調治之，正謂此也。非止傷寒如此，至

于酒積雜病下之太過，亦作痞。蓋下多亡陰，陰者謂脾胃水穀之陰也。故胸中之氣因虛下陷于心之分野，故至心下痞。宜升胃氣以血藥兼之。若全用氣藥導之，則其痞益甚。甚而復下之，氣愈下降，必變為中滿鼓脹，皆非其治也。又有虛實之殊，如實痞大便閉者，厚朴枳實湯主之；虛痞太便利者，白芍陳皮湯主之。如飲食所傷痞悶者，當消導之，去其胸中窒塞，上逆不元欲吐者，則吐之，所謂在上者因而越之是也。

王海藏曰治痞獨益中州脾土以血藥煎之其法無以加矣

傷寒痞者從血中來雜病痞者亦從血中來雖俱為血症太抵傷寒之症從外至內從有形至無形故無形氣症以苦泄之有形血症以辛甘散之中滿者勿食甘不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也

綱目云無形氣症以苦泄之者枳實黃連之類是

也有形血症以辛甘散之者仲景人參湯是也劉宗厚曰痞之為病由陰伏陽蓄氣血不運而成處心下位中央膈滿痞塞皆土之病也與脹滿有輕重之分痞則內覺痞悶而外無脹急之形脹滿則外有形也前人所論皆指悞下而致之亦有不因悞下而然者如中氣虛弱不能運化精微則為痞飲食痰積不能施化則為痞濕熱太盛土乘心下則為痞既痞與濕同治惟上下分消其氣如果有內實之症庶可畧與疎導也

人痞塞喜行利藥以求速效暫時通快痞若再作益以滋甚是不察夫下多亡陰之意也

統旨曰痞有虛實之殊而又有濕有熱有痰有鬱有風寒不消有脾胃虛弱有飲食過傷者當求所因而分治之如實痞大便閉以黃連枳實厚朴苦以泄之虛痞太便利以為藥陳皮酸以收之濕者四肢困重小便短少宜蒼朮茯苓半夏滑石澤瀉以滲之鬱者則流滯不通食難消化宜撫芎香附蒼朮枳實以開之熱則煩渴溺赤

用黃連黃芩葛根升麻以發之使結者即而利之痰則胸中窒塞用半夏瓜蒌枳實黃連以豁之欲吐者因而越之飲食後因胃風不消而痞宜吳茱萸砂仁草豆蔻藿香溫以化之脾胃弱而轉運不調為痞宜四君子湯等甘以補之飲食過傷則腹飽暖氣而致痞塞者又當以青皮枳實厚朴山楂麩蘗以消導之至于痰挾血成窠囊而痞者用桃仁紅花香附大黃之類若脉右關多弦弦而遲者必心下堅以肝木剋脾土

鬱結涎閉于臟腑氣不舒則痞木香順氣湯如
下多則亡陰而痞者四物加參苓白朮升麻柴
胡少佐以陳皮枳殼監制或大病後元氣未復
而痞補中益氣湯加陳皮凡此痞滿不可執全
在活法詳脉證虛實而治之也

劉河間曰三陰三陽之標本治各不同有用寒藥
而為熱痞大黃黃連之類也有用寒熱藥者陰
與陽不和而痞大黃黃連加附子之類也有用
辛熱藥多而寒藥少者陰盛陽虛而痞半夏生

薑甘草瀉心三方之類瀉心湯者非瀉心火之
熱乃瀉心下之痞也通而論之其藥陽多而陰
少蓋病發于陰而得之有大黃黃連瀉心湯獨
為陰心下痞而脉疾一証桂枝後用從太陽浮
弱所變餘皆陰陽雜用

直格云傷寒裏之陰分已受熱邪是病發于陰也
或熱微而下証未全誤下之早則裏熱除去表
熱乘虛入裡而作痞也故仲景攻痞多用大黃
黃連黃芩寒藥後或加附子乾姜之類者是

以辛熱佐其寒藥欲令開發痞之怫熱結滯也
非攻寒耳

劉宗厚曰河間論瀉心湯分陰陽寒熱多少而用藥可謂詳切矣而此論則專主於熱二者似乎不同要之各有所當蓋直格是言其受病之本河間是論其用藥之標者以為痞有陰寒之症耶則仲景瀉心五方何皆用黃芩黃連之藥若以為痞無陰陽之異耶何瀉心湯又有兼用附子乾姜半夏生薑之類者也一言其本標而已

○治熱之劑

仲景大黃之連瀉心湯

治心下痞按之濡其脉

閉上浮或寸沉閉浮而有熱者

大黃二兩 黃連一兩

右剉以麻沸湯漬之須臾絞去渣分溫再服

劉宗厚云此少陰經藥也出陽明例成無已云大黃之連以導瀉心下之虛熱以麻沸湯漬服者取其氣薄而泄虛熱也又按伊尹湯液論大黃之連黃芩湯共三味今監本無黃芩脫落之也又保命集無黃芩加甘草乙兩

○散寒瀉熱之劑

仲景附子瀉心湯 治心下痞而復惡寒汗出脉

沉遲也

大黃_{二兩} 黃連 黃芩_{各二兩} 附子_{一枚} 炮_{去皮}

右剉以麻沸湯浸之須臾絞去渣內附子汁

分溫再服

半夏瀉心湯 治汗下後身寒痞滿而嘔飲食不

下脉微按之_{不痛}非柴胡症

半夏_{半升} 黃芩 乾姜 人參_{各三兩} 黃連_{一兩}

大棗_{十二枚} 甘草_{二兩}

右七味以水一斗煮取六升去渣再煮取三升溫分三次服

生姜瀉心湯 治汗下後胃中不和乾噫食臭自

利腸鳴脇下有水氣而心下痞滿

即半夏瀉心湯加生姜四兩_{乾姜二兩}

甘草瀉心湯 治下之後腹中雷鳴心下痞硬再

下之痞益甚此非結熱以胃中虛客氣上逆也

即半夏瀉心湯去人參甘草加_{作四兩}

劉宗厚云以上諸瀉心湯元戎云少陰藥也以其心下痞故入陽明例况服梔子黃芩黃柏

大黃為上下通絡之劑安得不例陽明乎

秘藏大消痞丸 治一切心下痞悶及積年久不

愈者 黃連炒 黃芩各六錢 姜黃 白朮各一錢

甘草炙 砂仁 乾生姜 神麴炒 人參各二錢

枳實炒 五橘紅二錢 澤瀉三錢 厚朴製 猪苓半錢

半夏四錢 右為末 餗餅糊為丸 梧桐子大 每五

十九 漸加至百丸 白湯送下

枳實消痞丸 治右關脉浮弦 心下虛痞 惡食 懶

倦 開胃進食

枳實 黃連各五錢 乾生姜二錢 厚朴製 人參

白朮 半夏麴 甘草炙 茯苓二錢 大麥麴

右為末 餗餅糊丸 梧桐子大 每服五六十丸

白湯送下 失笑丸以

劉宗厚云 以上二方並半夏瀉心湯加減法也 內有枳實湯 四君子 五苓 平胃 等利 濕消痞補之藥也

溫中散飲之劑

枳實理中丸 治中脘痞滯 氣不宣通 積寒停飲

食不消化

人參 乾姜炮 白朮 枳實 甘草炙 各一兩

右為末煉蜜丸如鷄子黃大每服一九細嚼

白湯下或沸湯化下有活人書

理氣之劑

活人桔梗枳殼湯 治傷寒痞氣胸滿欲絕

桔梗 枳殼 各三兩 右剉水煎分作二服

此湯無不驗也綠枳殼行氣下膈故枳殼先用
云活人用此非治痞也蜜知錯下必成痞是
氣將陷于胸中故先用此使不致于痞也君
已成痞復而用之則失之晚而胃中
之氣愈痞矣失之一字預早之意也

宣明檳榔散 治傷寒陰証下後成痞滿而不痛

按之虛軟 檳榔 枳殼 等分

為末每服三錢煎黃連湯調下

寶鑑三脫痞氣丸 治三焦痞滯水飲停積脇下

虛滿 木香 白豆仁 青皮 炒 京三稜 炮

半夏 橘紅 檳榔 砂仁 沉香 各五錢

大腹皮而為末麩糊丸梧桐子大每服五六

十九食後陳皮湯送下

東垣木香消痞丸 治因憂患氣結中脘腹皮厚

微痛心下痞滿不思飲食

木香 紅花 乾姜 錢五 柴胡 錢四 橘紅 錢三 當歸

尾 錢二 半夏 甘草 各一兩

為末 餗餅糊丸 菘豆大 白湯送下 七八十九

七氣湯 治憂思鬱結心腹悶 方見氣門

兼治濕熱之劑

東垣黃連消痞丸 治心下痞滿壅塞不散煩熱

喘促不寧

黃連 黃芩 澤瀉 枳實 炒 半夏 錢七 乾

姜 錢二 白朮 茯苓 甘草 各錢 姜黃 錢一 猪苓

右為末 餗餅糊為丸 梧桐子大 每服五七十

丸 食前白湯下

蘓橘飲 治氣壅發虛浮腫甚効

陳紫蘓 葉 十四 全陳皮 二片 砂仁 六枚 甘草 六寸

生姜 十片 棗 五個

右水煎服

紫蘓飲子 治憂思傷脾心腹膨脹喘促胸滿腸

鳴氣走瀉 有聲大小便不利脉虛緊而瀼

蘇子一两 木通 半夏 厚朴 木香 草果

陳皮 枳實 人參 白朮 粉草 大腹皮

各五錢 每服五錢 姜棗煎服

陳橘皮散 治腹內諸痞脹

橘紅 紫蘓 大腹皮各二兩 漢防已五錢 木香五錢

檳榔 木通 赤茯苓各三分

每服五錢 加姜煎服

○雜治

東垣木香消痞湯 治因憂氣鬱結中脘腹皮急

微疼 心下痞滿 不思飲食 亦不化 常覺痞悶

柴胡 木香各七分 半夏 生姜 枳實各二錢

陳皮八分 甘草五分 歸尾二錢 草豆仁一錢 紅花少許

水煎 食前熱服 忌酒麪等物

王海藏云 少陰下痢 面赤 心下痞 瀉心湯 加減例

易老 單用黃連瀉心湯 用錢氏法 後隨証加減

煩者加山梔 躁者加香豉 嘔加半夏 滿

加枳實厚朴 腹疼加芍藥 脈遲加附子

下焦寒加乾姜 大便硬加大黃 如用姜附

先煎令熟使熱不僭後加黃連同用

○內傷之劑

枳木丸 治痞消食強胃

枳實去穰乙兩 白木二兩 為末以荷葉裹燒飯

為丸梧桐子大每服五七十九

橘紅枳木丸 治老而元氣虛弱飲食不消臍

不調心下痞悶 前方加橘紅一兩

古庵橘連枳木丸 補脾和胃瀉火消痰

即前方再加姜炒黃連一兩

○平補之劑

平補枳木丸 調中補氣血消痞清熱

白木三兩 白芍酒炒一兩 陳皮 枳實去穰 黃連姜

炒各人參 木香各五錢 右為末荷葉打米糊

丸梧桐子大每服六七十丸米飲下

古庵云白木補脾氣為君白芍藥補脾血為臣陳皮以和胃枳實消痞黃連清熱為佐人參以補元氣木香以調諸氣為使如此平補氣血均去痰火兼通氣道則病邪且消而脾胃壯矣

丹溪云心下痞須用枳實黃連此亦是苦

○攻補兼施之劑

○東垣黃芪補中湯 脾虛不能滲濕內痞外浮

人參 黃芪 甘草 白朮 蒼朮 陳皮 五

分 茯苓 猪苓 澤瀉 各三

水煎溫服送下大消痞丸

補中益氣湯 治中氣虛心下痞

脉緩有痰而痞加半夏黃連 脉弦四肢滿閉

便難心下痞加柴胡黃連甘草 大便秘燥加

黃連桃仁少加大黃歸身 心下痞悶者加白

芍藥黃連 心下痞腹脹加五味子白芍藥砂

仁 天寒月加乾姜或肉桂 心下痞中寒者

加附子黃連 心下痞嘔逆者加黃連生姜陳

皮假如冬月再加黃連入丁香藿香葉 能食

而心下痞加黃連五分枳實三錢 如不食心

下痞者勿加止照本方服之 食已而心下痞

別服橘皮枳朮丸

○治痰之劑

濟生瓜蒌實丸

治胸膈痞痛徹背脇脹喘急悶

瓜蒌實研枳實去穢半夏各等


為末姜汁打糊為丸梧子大每服五七十九

食後淡姜湯下

按此方瓜蒌以潤肺降痰枳實破滯氣半夏豁痰燥濕桔梗開膈載藥可謂善治痞悶喘急矣然痰因火動者加黃連尤妙蓋黃連佐枳實消痞甚速

大宮詹少溪吳馭閱校

終



赤水玄珠第七卷目錄

吐酸門

論吐酸屬熱

論雜病吐酸與病机外邪不同

辨素問東垣論酸不同

停飲



痰飲門

怔忡驚悸門

心澹澹動門

怒門

善太息



善恐

善悲 附婦人妊娠善悲

赤水玄珠第七卷

○吐酸門

○論吐酸屬熱

內經曰諸嘔吐酸皆屬于熱又云少陽之勝嘔酸
夫酸者肝木之味也內火勝制金不能平木木
自甚故為酸也如飲食熱則易于酸矣是以肝
熱則口酸或言為寒者但謂傷生冷硬物而喜
噫醋吞酸故俗主于和脾胃豈知人之傷于寒

新安生生子孫一奎著輯

國家圖書館, NATIONAL CENTRAL LIBRARY, TAIWAN, R.O.C

也則為病熱蓋寒傷皮毛則腠理閉密陽氣怫鬱而為熱故傷寒熱在表以麻黃湯發散使腠理開通汗泄熱退而愈也凡內傷冷物者或積陰勝陽而為病寒或寒熱相搏而致腸中陽氣怫鬱而為熱亦有內傷冷物而反病熱得汗泄身涼而愈也或微而止為中酸俗謂之醋心法宜溫藥散之亦猶解表之義若久喜酸不已則不宜溫之宜以寒藥下之後以涼藥調之結散熱去則氣和也所以中酸不宜食粘滑油膩者

謂能令氣鬱不通暢也宜糲食菜蔬使氣通利則酸自不作矣

○論雜病吐酸與病機外邪不同

發明云病機吐酸皆屬於熱此上焦受外來客邪也胃氣不受外邪故嘔仲景以生姜半夏治之以雜病論之嘔吐酸水者甚則酸水浸其心不任其苦其次則吐出酸水令上下牙酸澁不能相對以大辛熱藥療之必減吐酸是吐出酸水也酸味者收氣也西方肺金旺也寒水乃金之

子子能令母實故用大酸熱之劑瀉其子以辛
熱為之佐而瀉肺之實以病機作熱攻之悞矣
蓋雜病醋心濁氣不降欲為中滿寒藥豈能治
之乎

○辯素問東垣論酸不同

丹溪云或曰吐酸素問明以為熱東垣又言為寒
何也予曰吐酸與吞酸不同吐酸是吐出酸水
如醋平時津液隨上升之氣鬱積而成鬱積之
久濕中生熱故從火化遂作酸味非熱而何其

有鬱積之義不能自湧而出伏于肺胃之間咯
不得上嚥不得下肌表得風寒則內熱愈鬱而
酸味刺心肌表溫煖腠理開發或得香熱湯丸
津液得行亦可暫解非寒而何素問言熱者言
其本也東垣言寒者言其末也但東垣不言外
得風寒而作收氣立說欲瀉金之實又謂寒藥
不可治酸而用安胃湯加減二陳湯俱犯丁香
且無治鬱結濕熱之法為未合經意予常治吞
酸用黃連茱萸各炒隨時令送其佐使蒼朮株

苓為輔佐湯浸炊餅為小丸吞之仍教糲食蔬
菜自養則病易安

劉宗厚曰謹按吐酸一證以病機言之則屬于熱
以臟腑論之則脾胃受病以內邪言之則痰飲
宿食之所為故治法熱者寒之脾惡濕以苦燥
之有痰飲者清之分利之有宿食者消之導之
驅逐之局方不察斯故以噫醋吞酸醋心吐酸
水之證並入于氣門中率用溫熱之藥豈吐酸
專主于寒而無他證也故此一門以叙河間東

垣丹溪之論其病源治法無餘蘊矣

○停飲門

許學士云余苦有二疾一下血二膈中停飲下血
有時而止停飲則無時始因年少時夜坐作文
左向伏几案是以飲食多墜左邊半夜以後稍
困乏必飲酒二三盞仍向左邊側睡壯盛時殊
不覺病三五年後覺酒止從左邊下瀉有聲
脇痛飲食減十數日必嘔數升酸水暑月止是
右體有汗熱常潤左邊痛處絕燥遍訪名醫

及海上方服之少驗間或中病止得月餘復作其補如天雄附子礬石其利如牽牛甘遂大戟備嘗之矣予揣度之已成瘕囊如漆水之有糝曰不盈不行必盈科而行也清者可行濁者依前停蓄蓋下無路以出之也是以積之五七日必嘔而出稍寬數日復作脾土惡濕而水則流濕莫若燥脾以勝濕崇土以填科白則疾當去矣于是悉屏諸藥止服蒼朮三月而除自此後不復發嘔胸膈寬飲啖如故暑月汗周體而身

涼飲亦從中下前此飲漬其肝且亦多昏眩其後燈下能書細字皆蒼朮之力也故名其方曰神本丸其蒼朮一觔去皮切末用之白芝蔴半兩水二盞研瀉取汁大棗十五枚煮爛去皮核研以蔴汁成稀膏和入搜白杵熟丸如梧子大每日空心白湯吞五七十九日服二三次忌桃李雀鷓初服時膈間必微燥且以蒼朮製之覺燥甚耳進山枝子散一服久之自不燥也服半年以後止用燥烈味極辛者削去皮不浸

極有力亦自然不燥山柅散用山柅一味乾之為末沸湯點服故知冬坐不可伏何一過時宜運動亦調息之法

脉經云胃脉虛主胃中冷苦吞酸頭痛寸口脉遲上焦有寒心痛喉酸吐酸水宜服附子湯生薑湯茱萸丸關脉沉心下有冷氣痞滿吞酸據此亦有胃冷吞酸者

張子和治張風村一田叟嘔酸水十餘年乃留飲証也醫皆以燥劑治之不效更以艾火燻針刺

之中脘臍疔瘡未嘗合予以苦劑越之出其涎如膠者二三升談笑而愈

意腐酸或每晨吐酸水數口或膈間常如酸蕪皆飲食傷胃所致平胃散加神曲麥芽茯苓半夏吐清水乃胃中濕熱所為宜平胃散加白朮茯苓滑石半夏不宜純用涼藥亦有胃寒而然者理中湯主之食鬱有痰二陳加南星黃芩香附之類治酸必用昇茱萸者乃順其性而折之戴元禮云濕熱在胃口上飲食入胃被濕熱鬱遏

其食不得傳化故作酸也如穀肉在器則易也

治寒酸溫胃之劑

東垣藿香安胃散 治脾胃虛弱不進飲食嘔吐

不待腐熟 藿香 丁香 人參 錢各半 陳皮 錢五

右為末每服二錢生姜湯下

加減二陳湯 治痰飲為患嘔吐頭眩心悸或因

食生冷脾胃不和 丁香兩半 半夏 陳皮 兩各五

茯苓兩 甘草兩半 每服五六錢入生姜煎服

三因麴木丸 治中脘宿食留飲酸慄心痛口吐

清水 神麴 兩炒 蒼朮 兩 米泔浸三宿洗淨 陳皮

一兩方有砂仁兩右為末生姜汁打神麴糊為

丸姜湯下

加味平胃散 治吞酸食鬱所致

平胃散加炒神麴麥芽姜朮煎服

治吞酸因傷冷物所致 治食後吐酸水同

乾姜 兩炒 二 吳茱萸 兩炒 二 為末酒服方寸匕 日服

治噫酢咽方 吳茱萸斤半 生姜兩 人參兩 束枚 二

水六升煮二升分三次食前服

治吐酸清水方 蒼朮陳麩炒 白朮 茯苓 滑石

陳皮各等分 水煎服

聖惠方乾姜丸 治酒癖停飲吐酸水

乾姜 葛根 枳殼 橘紅 前胡各五錢 白朮

半夏各一兩 吳茱萸 甘草各二錢半

右為末煉蜜丸桐子大每五十九丸米飲下

三生丸 治中風痰涎眩暈嘔吐酸水頭疼惡心

半夏二兩 南星 白附子各一兩

右並生為末滴水丸梧子大以生麩裹為衣

陰乾每服十九至二十九生姜湯下

○治熱之劑

丹溪方 一方加炒山梔仁三錢

吳茱萸去枝梗炒乾 陳皮 黃芩陳土炒各五錢 黃連陳土炒一兩

蒼朮七錢 一方有桔梗茯苓各一兩

右末神麩糊丸菜豈大每服一錢半白湯下

黃連清化丸

黃連一兩 吳茱萸一錢 桃仁廿四枚 陳皮五錢 半夏一兩半

右為末神麩糊丸菜豈大每服百丸姜湯下



參朮丸 治濕而帶氣者濕熱甚者用之為向導

上可治吞酸下可治自痢

六一散料 吳茱萸製一兩 為末飯丸

舟溪又云噫氣吞酸此係食鬱有熱火氣冲上黃

芩為君南星半夏陳皮為佐熱加青黛

○解表之劑

舟溪治一人因外感涼氣與宿食相搏心下酸戚

嘔清水後有紅 青皮 枳殼 紫蘇 木通

甘草 錢各三 黃芩 桔梗 錢各半 人參 錢二 麻黃 五分

加姜水煎服

○寬中攻下之劑

透膈湯 治脾胃不和中脘氣滯胸膈滿悶噎塞

不通噫氣吞酸脇肋刺脹嘔逆痰涎飲食不下


木香 砂仁 檳榔 枳殼 厚朴 白芷仁

半夏 青皮 陳皮 甘草 大黃 朴硝

各等分每服一兩生姜三片棗一枚煎至一

盞熱服

○痰飲 膠固稠粘者痰也 清而稀薄者飲也



痰飲為病所感不同有因氣脈鬱塞而得之者有
因脾胃虛弱不能運行水穀而得之者有因痛
飲飽食停滯胃中而得之者有因風寒暑濕之
氣入脾相搏而成之者有因七情失節截氣不
行鬱而成之者所感不同病變甚多或為喘為
欬為嘔為泄眩暈嘈煩悸忪悞懣寒熱疼痛腫
滿攣癖癆閉痞膈如風如癩皆痰飲之所致也
飲有六曰懸飲溢飲支飲痰飲留飲伏飲懸飲
者飲水流于脇咳引痛溢飲者飲水流于四

肢當汗不汗身體疼重支飲欬逆倚息短氣不
得卧其形如腫痰飲者其人素盛今瘦腸間漉
漉有聲留飲者其人背寒如手大或短氣而渴
四肢歷節痛脇下痛引缺盆欬嗽則轉甚伏飲
者膈滿喘欬嘔吐發則寒熱腰背痛目疾出其
人振振惡寒身憊惕

東垣謂痰飲皆濕熱相乘如濕在心經為熱痰結
而為膠其色紅濕在肝經為風痰其色青如沫
濕在脾經為濕痰濕久為熱其色黃濕在肺經

為氣痰其色白咯出如米粒濕在腎經為寒痰其色如唾

王隱君云痰清白者為寒黃濁者為熱熱鬱之甚或至帶血血敗則黑口吐血者不冷白血者桃花色也

子和云入肺則多嗽入大腸則為泄入腎則為湧水水在上則面浮在下則胛腫在中則為痞膈痰逆

入之停飲留于胃脘皆由胃氣虛弱飲水飲酒不

能傳化結為痰飲行疾而漉漉有聲者自有癖囊在胃內飲水則滲入停蓄于其間其狀若胞囊不可速去然亦不能為速害若見變証百端在上焦須以瓜蒂散吐之在胃脘宜十朮湯下之然後以溫藥溫胃氣丁香茯苓半夏以蕩散水飲仍宜丁香半夏湯以拔其根

熱痰則多煩熱風痰多成癰瘰奇症冷痰多成骨痺濕痰多成倦怠軟弱驚痰多成心痛癰疾飲痰多脇痛臂痛食積痰多成癖塊痞滿

或心下如停冰雪心氣冷痛或脊上每日一條如
線之冷起或渾身習習如虫行或胃腹間如有
二氣之交紐又或如烟火上衝頭目烘熱或風
毒脚氣或嘔冷涎綠水黑汁甚為癆瘵肺癰腸
毒種種不一皆痰飲之所為也

嚴氏云人之氣道貴乎順順則津液流通決無痰
飲之患自潤下從小便中出矣又有病人元有
痰積其氣因痰而結滯者則又必先逐去痰結
滯氣自行豈可執一

玉隱君云津液既凝為痰不復周潤三焦故口燥
咽乾大便秘面如枯骨毛髮焦槁婦人則因此
月水不通若能逐去敗痰自然服藥有效

脾土上應于天亦屬濕化所以水穀津液不行即
停聚而為痰飲夫人之病痰火者十居八九若
人不宜速降其火虛人不宜盡去其痰攻之太
甚則病轉劇而致危殆須以固元氣為本

有病喜吐痰唾服八味丸而作効者叔和云腎寒
多唾蓋腎為水之官腎能攝水腎氣溫和則水

液潤下腎氣虛寒則邪水溢上故用八味丸以溫利之

活人書云中脘有痰亦令人增寒發熱惡風自汗胸膈痞滿有類傷寒但頭不痛項不強為異

丹溪云風痰多見奇症凡風痰病必用風痰藥白附子天麻雄黃牛黃僵蚕皂角之類

濕痰宜用蒼白二木又用油炒半夏熱痰多挾風外症為多用青黛黃連

天花粉大決膈上熱痰痰因火盛逆上者治

痰為先白朮黃芩石膏之類中氣不足加參朮

食積痰神麩麥蘗山查欲吐食積痰用蘿蔔子油炒為末漿水調下探而吐之食積痰必

用攻若氣虛者用補氣藥送老痰海石半夏瓜蒌香附五倍子佐他藥大治頑痰

蠶杏仁瓜蒌訶子貝母五倍子痰而脾虛者清中氣二陳湯加白朮之類兼用升提藥

內傷挾痰必用參朮芪之類多用薑汁傳送或加半夏之類虛甚加竹瀝眩暈嘈雜乃火動其

痰用二陳湯加梔子芩連之類。噎氣吞酸此係食鬱有熱火氣上動以黃芩為君南星半夏橘紅為臣熱多加青黛喉中如有物咯不出咽不下此者痰也重者吐之用瓜蒂散氣實用荆瀝仲景用神效痰結核在咽喉中燥不能出入化痰藥內加鹹藥軟堅之味瓜蒌仁杏仁海石桔梗連翹少佐以風化硝薑薑丸化用人身上中下有塊是痰問其平日好食何物吐下後方用藥。痰之為物隨氣升降無處不到

痰在腸胃間可下而愈。痰在經絡中非吐不可出吐中就有發散意痰在膈上必用吐之瀉亦不出。痰膠固及脉浮者俱用吐法。痰在脇下非白芥子不能達。痰在皮裏膜外以姜汁竹瀝導之。痰在四肢非竹瀝不能開。二陳湯善治一身之痰如在下加下引藥在上加上引藥。潤下丸降痰最妙。青礞石丸重在風化硝。小胃丹能逐貫胃痰積然不宜多服。蒼木治痰飲成窠囊者極效。海粉能治

熱痰降濕痰軟結痰消頑痰最效可入九玉不
可入煎藥 枳實瀉痰能衝墻壁 竹瀝能治
膈間有痰或癩狂或健忘或風痰最效又能養
血 荆瀝治痰稍重用此二味効速且穩當二
瀝治痰結在皮裏膜外及經絡必佐以姜汁
菲汁治血滯不行中焦有飲取自然汁冷飭三
四盞以覺胸中煩躁不寧後自愈氣實熱痰吐
難得出或成塊或吐咯不出及蕪氣鬱者難治
中焦有痰胃氣亦賴所養卒不便虛若攻之盡

則虛矣 凡治痰用利藥過多致脾氣下虛則
痰反易生而多矣

舟溪云痰之為病方論少有細述者近惟三因畧
言亦無加減法夫痰之源不一有因痰而生熱
者有因熱而生痰者有因氣而生者有因風而
生者有因驚而生者有積飲而生者有多食而
成者有因暑而生者有傷冷物而成者有脾虛
而成者有飲酒而成者其為病也驚痰則成心
包痛顛疾熱痰則煩躁頭風爛眼燥結怔忡燥

懷驚眩風痰成癱瘓大風眩暈暗風悶亂飲痰
成脇痛四肢不舉每日嘔吐食痰成瘡痢口出
臭氣冷痰骨痺四肢不舉氣刺痛瀉痰飲酒不
消但得酒次日又吐脾虛生痰食不美反胃嘔
吐氣痰攻注走刺不定婦人于驚痰最多蓋因
產內交接月事方行其驚因虛而入結成塊者
為驚痰必有一塊在腹發則如身孕轉動跳躍
痛不可忍凡人手臂或動不得或骨節遍身痛
坐卧不能此痰入骨也 看入脚氣久不治骨

節痛與脚氣藥不効此痰病也 凡傷寒病後
嘔吐藥不得入亦因初病膈中有涎痰也或因
下之太早而遂議其非痰未為確論 傷寒發
黃亦是痰病蓋因熱搏而成凡大便秘者亦是
痰結

左右關脉滑大者膈中有痰也可吐之怕吐者消
息下之凡人每日背上一條如線而寒起者宜
吐下之凡病百藥不効其关上脉伏而大者痰
也用妙應丸加減法

方見走注痰
痛即控泄冊